

## ¿J'abbesate?

Jume bombiom, ..., báchia jiabsim entok kuupisim tepate juebenna naw ropoktiriam, tokti s'ime yoreriam aayúkame beppa, ¡koleopterom! Tite tettawa. Itom riéewonkpo inenjiawbáare: "massa ejóote taaka tennam o Kappe beewa tennan", buétuk jume bat woy massam itom jípurewi mayim námaka wanáyim ket ili kappe itom pat pattiam ténam.

Itom takawa kobba, tawwi entok toppata jípure. Ni béchi'bote jume woy massam chúkula wéeme átia. Buétuk itom takawata ili awwi lobalaytuka béchibo entokte kata seenu woy massamem jibbanéneye, tektite jiookot lewlawti kokownake, tète jibba jakun itom yaixbaréw taxti yuyuma.

Jume bombiom mayte juebénaka ka nanálay: waatete may ilhichi waate entokte tepa bueere, jachin ju bombio tooro. Waate entokte tepa bueere, jachin ju bombio tooro. Waatete ili buia ténam, waate entok búruka chutchúkuli, waatete sisiáali, waatete teweli, waatete sissikili, waatete sassáwali, waatete sisiwokjyoki ténam, waatete béloxko, waatete ili yolkólam waate entokte ili wittiriam jípure. Waatete ili béraayik entok teebek takawak, waate entok loloballaayik jípure, jachin j'u ili katariina. Waatete tepa ixyolisi tétrebem aawak, yameyte nanassua. Jume báchia jiabsim, mayte teebek teenek.

Búru bombiomte may wokbowwak, waate entokte tua witcham bébenam wokkek. Jumu bombiom a népo, jume kuupisimte ket tepa itot uttilmachita jípure, buétuk jume ówim itom jammuchianakéw jarwi béchibo ili tajjimemte mamáchiria. Iká tajjita ket itom takawajibba a bukkek.

## Bombiom, ... báchia jiabsim entok kuupisim

## ¿Jaykisate?

Sime ániatte **351,785**.

Méjikoote **13,195** w yuuma.

Tua imi Méjikoote jibba aayukame **2,564**.

Imi' itom ánia buiyya ti téwaakápote jiabsa binwa wasukitiam simiatukápo naateka búru waate yoreriammaki.

## ¿Jaksute jowwak?

Jume bombiom jitta ániaw junnete ito joywariala. Itom simerapote buiaapo jowwak tète waate ket bápo jiabsiwamta musáwle. Láwte jakjunne itom tewnake, jachin tettam bétuku, kuffa naawa wakiampo. Jak juyya tatakame bukwápo weramáteko o émjoa seewa eechiw yem sikáteko iwámiré itom tewnakel!

"Báchiajiabsi ché etteta beppa ilitchi, junéli ilitchitaka tepa itom ómtitua."

## ¿Jáchisute jiabsa?

Ket muumum entok básébolim bénasite jiabsa chikti itom yew machiáakápo naatera, itom takawa aw nanayótia: batte kabbatunake, chúkulate ili asuálamtunake, chúkulate beewa bóosapo joánake, júchite bejja yóturitunake.

Jáchisute junen tepa yun ka nanálayta béechika aane, ka nanawitsitakawaka entok ka nanálaayik jiyokiakari, itom buabuáyem ket ka nanálay.

Waatete juyya sawwata buáye, waate kuffa naawata, waate juyya kuttata, waate seewam, waate seewa tolóchiata, waate báchiam, waate buia booram, waate nabolí kokkoram entok jiabsame junne...jittasute ka buabuáye jáni!

Wate bombiomte ché mamix jibuárapo maixwa, buétukte jitta jak eechita ixyolisi jábuekamta tokti lawti lütianake, sawwapo naateka naawaw taxti entok jitta báchiata jjúp!

## ¿Jáchisé itom amaanake?

Ka tua obiáachisi aaneke, jachin juka juyya ániata suaayaka, ánia natekónila aayukamta kachicha joaka, jitta aayukamta jaykisi junne átiaka, ka juyyata tattaaka entok kaká a tabbeka. Inélite simetaka alheaka juánake, itapo entok ka jiookot aayunake.

Jume itom takawata bíbichame entok at emo kobba kaxname báru kuupisimim jaatjala, entok katariinam, entok báchia jiabsim, entok bombiom... ¡aal tē jme jitta táyame túsi júneyya jáchisum bém teeki! Yáanake, jitta nabolitam jaatiáanake entok jak beechik. Yünim itom maw totojaka itom éria, túsi itotsuaaka itom bitbáreka bejja bem ito bétana tatáyari watememew yew buixbáreka.

Ka tua túri empolatata kia itom naw toixbáreka eaka, tere ara emo temtia ket ili nabolimibichame bénasi, túlisi itot suaaka itom lawtawti em tatáyanaké béchibo chéjunne zamáre emo yuumamáchile?

## ¿Jitta túwalasute enchi makka?

Sime yoreriamte imi ániapo itom yáanakéy yuktiári. Maasu en jume ili Katariina asuálam Mayte jibuáram, láwttite jume buere téppuchim buánake, jume chinchim, ili yoreria Kabbam entok ket jume yoreriam eechimpo ka túwata joame entok juyya joapo átiawamta buabuáyeme.

Búru bombiomte jume juyya kuttam buiaapo wattirame kuumeke tokti chibela wiike, juká bem uttiraata juchi buiaw nottiriaka juka sime ama siwwemta juchi buiaw nottiriaka juka sime ama siwwemta juchi a chuchunihaka. Waatete juka nabolí buitata mama, junen juká uttira imiaayukamta ket juchi buiaw hottiriaka.

Kette tepa túri buáwame wiikichim béchibo, nabolí chéyëram béchibo, baakochim béchibo entok boróki asuálam béchibo. Waate Méjiko buiálampo ché waate batóra, jume ili bombio asuálam buabuáye.